

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA SABA**

**KIKAO CHA THELATHINI NA SABA**

**30 MEI, 2017**



# ORODHA YA SHUGHULI ZA LEO

---

## MKUTANO WA SABA

KIKAO CHA THELATHINI NA SABA – TAREHE 30 MEI, 2017

I. DUA:

II. HATI ZA KUWASILISHA MEZANI:

**WAZIRI WA MAMBO YA NJE NA USHIRIKIANO WA AFRIKA MASHARIKI:**

Taarifa ya Mwaka ya Hesabu za Kituo cha Kimataifa cha Mikutano cha Arusha kwa Mwaka wa Fedha 2015/2016 [*The Annual Report and Accounts of Arusha International Conference Centre (AICC) for the Financial Year 2015/2016*].

**WAZIRI WA FEDHA NA MIPANGO:**

Hotuba ya Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2017/2018.

**MWENYEKITI WA KAMATI YA BAJETI:**

Taarifa ya Kamati ya Bajeti kuhusu utekelezaji wa majukumu ya Wizara ya Fedha na Mipango kwa

Mwaka wa Fedha 2016/2017 pamoja na maoni ya Kamati juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

### **MSEMAJI MKUU WA KAMBI YA UPINZANI KUHUSU WIZARA YA FEDHA NA MIPANGO:**

Taarifa ya Msemaji Mkuu wa Kambi ya Upinzani kuhusu Wizara ya Fedha na Mipango juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

### **III. MASWALI:**

**WAZIRI WA NCHI, OFISI YA RAIS, (UTUMISHI NA UTAWALA BORA):**

**298. MHESHIMIWA FREDY ATUPELE MWAKIBETE (BUSEKELO):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Ajira kwa sasa ni tatizo hapa nchini hasa kwa Walimu wa sanaa:-

Je, Serikali ina mpango gani wa kuajiri katika sekta mbalimbali.

**WIZARA YA AFYA, MAENDELEO YA JAMII, JINSIA, WAZEE NA WATOTO:**

**299. MHESHIMIWA FAIDA MOHAMMED BAKAR (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Sheria nyingi nchini hususan zile zinazohusu haki na stahili za wanawake zimepitwa na wakati na hivyo kuwanyima haki wanazostahili makundi hayo:-

- (a) Je, ni Sheria zipi zinazowanyima haki wanawake na watoto nchini;
- (b) Je, ni lini Serikali italeta Miswada ili kuboresha au kubadilisha Sheria hizo ili ziendane na wakati na kuwapatia haki zao wanawake na watoto.

**WIZARA YA MAMBO YA NJE NA USHIRIKIANO WA AFRIKA MASHARIKI:**

**300. MHESHIMIWA ALLY SALEH ALLY (MALINDI):**

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Tanzania ni Mwanachama wa Jumuiya ya Uchumi ya Kusini mwa Afrika (SADC) yenye soko la watu milioni

200 na rasilimali lukuki katika mtawanyiko wa nchi 15 Wanachama zikiwemo fursa kubwa za madini, petroli, gesi, ufundi, elimu na utalii:-

- (a) Je, Tanzania imefaidikaje na soko hili kwa kipindi cha miaka ya uanachama wake;
- (b) Je, ni maeneo gani ya ushirikiano yameonekana zaidi kuwa na maslahi na Tanzania;
- (c) Tanzania inapakana na majirani ikiwemo Zambia, Msumbiji, Congo DRC na Malawi; Je, tuna miradi au ushirikiano wa kiuchumi na nchi hizo kupitia SADC.

**WIZARA YA MALIASILI NA UTALII:**

**301. MHESHIMIWA ZACHARIA PAULO ISSAAY (MBULU MJINI):**

Atamuuliza Mheshimiwa Waziri wa Maliasili na Utalii:- Kati ya Mwezi Juni - Desemba Mwaka 2015 Wananchi wapatao 6 walishambuliwa na kuuawa na Wanyamapori na Mamlaka ya Hifadhi ya Taifa (TANAPA) haikushiriki mazishi ya watu hawa wala hakuna fidia yoyote waliyopata ndugu wa marehemu hali inayoonesha mahusiano mabaya kati ya Jamii na Mamlaka ya Hifadhi; Zaidi ya hayo Wanyama kama Tembo

wamesababisha hasara kubwa sana kwa kuharibu mazao katika Tarafa ya Daudi, Kata za Marangwa, Daudi, Bargish na Gehandu:-

- (a) Je, ni lini Serikali itawalipa fidia ndugu wa hao watu 6 waliouawa na Wanyama wakali katika Halmashauri ya Mji wa Mbulu;
- (b) Je, ni lini Serikali kupitia TANAPA italipa fidia kwa wale wote walioharibiwa mazao shambani mwaka 2014/2015.

**WIZARA YA VIWANDA, BIASHARA NA UWEKEZAJI:**

**302. MHESHIMIWA LUCIA MICHAEL MLOWE (VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Mgogoro wa Kiwanda cha Chai Lupembe umewaathiri Wakulima wa chai Lupembe na Wilaya nzima ya Njombe kutokana na kukosa soko la zao la chai:-

Je, Serikali ipo tayari kujenga Kiwanda kingine cha chai kunusuru uchumi wa Wakulima wa chai katika Wilaya ya Njombe.

## **WIZARA YA MAMBO YA NDANI YA NCHI:**

### **303. MHESHIMIWA LAMECK OKAMBO AIRO (RORYA):**

Atamuuliza Mheshimiwa Waziri wa Mambo ya Ndani ya Nchi:- Wavuvi wa Wilaya ya Rorya wanaovua katika Ziwa Victoria wamekuwa wakitekwa, kunyang'anywa nyavu zao pamoja na injini za boti. Aidha, majambazi wanaofanya vitendo hivyo hutumia silaha nzito na inasemekana ni Wanajeshi kutoka Uganda:-

Je, Serikali ina mkakati gani wa kuongea na Serikali ya Uganda ili kukomesha uvamizi huo.

### **304. MHESHIMIWA MATTAR ALI SALUM (SHAURIMOYO):**

Atamuuliza Mheshimiwa Waziri wa Mambo ya Ndani ya Nchi:- Jeshi la Polisi lina kazi kubwa ya kulinda usalama wa raia na mali zao lakini cha kusikitisha ni kwamba, Askari wanaishi kwenye nyumba duni sana jambo ambalo linashusha hata hadhi zao hasa kwa upande wa Tanzania Zanzibar:-

(a) Je, ni lini Askari wetu watatengenezewa nyumba bora nao wajisikie kuwa Serikali yao inawajali;

- (b) Katika Makao Makuu ya Polisi pale Ziwani kuna majengo yaliyoachwa na wakoloni; Je, kwa nini yasifanyiwe ukarabati mkubwa ili yaweze kutumiwa na Askari wetu.

**WIZARA YA MAJI NA UMWAGILIAJI:**

**305. MHESHIMIWA MWITA MWIKWABE WAITARA (UKONGA):**

Atamuuliza Mheshimiwa Waziri wa Maji na Umwagiliaji:- Jimbo la Ukonga lina shida kubwa ya Maji:-

- (a) Je, ni lini Serikali itakamilisha miradi ya maji ya Kata za Chanika, Kipunguni na Majohe ili Wananchi wa Kata hizo na maeneo ya jirani wapate maji ya uhakika;
- (b) Je, ni lini Serikali itachimba bwawa kubwa katika Mnada wa Kimataifa wa Pugu ili ng'ombe wanaouzwa hapo wapate maji.

**306. MHESHIMIWA MBARAKA KITWANA DAU (MAFIA):**

Atamuuliza Mheshimiwa Waziri wa Maji na Umwagiliaji:- Wananchi wa Kisiwa kidogo cha Jibondo - Wilayani Mafia wamekuwa na shida kubwa ya maji:-




Je, ni lini Serikali itatekeleza mradi wa muda mrefu wa kuvusha maji kutoka Kisiwa Kikuu eneo la Kiegeani kwenda Kisiwani Jibondo.

**IV. HOJA ZA SERIKALI:**

**WAZIRI WA FEDHA NA MIPANGO:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2017/2018.



**DODOMA**  
**30 MEI, 2017**

**DKT. T. D. KASHILILAH**  
**KATIBU WA BUNGE**